



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 50. Albericus Legatus in Anglia.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. Sanctis operibus intentum fata mortali-
A.C. 1138. tati eripuerunt, vigesima nona Junii, an-
 no millesimo centesimo trigesimo nono.
 Corpus defuncti per triduum in omnes
 urbis Ecclesias delatum est, ubi Sanctum
 Sacrificium & preces continuæ pro ani-
 ma Episcopi oblatae, multaque eleemo-
 synæ in pauperes sparsæ. Die quarta,
 mensis Julii secunda, Imbrico Episcopus
 Herbipolensis, defuncti amicus, ad exe-
 quiis celebrandas advenit, & oratione
 funebri pronunciata commemoravit,
 quantum Antistitem, Ottone e vivis
 translato, pauperes, Imperator, Papa,
 Ecclesia, Respublica amisissent. Tan-
 dem S. Otto in Ecclesia Monasterii S. Mi-
 chaelis, ab ipso fundati, sepelitur, quem
 post annos ab obitu quinquaginta Cle-
 mens III. Pontifex maximus Sanctorum
 numero solemniter adscripsit; ejus ve-
 ro memoriam die, qua sepultus est, Ec-
 clesia colit.

Mart. Rom.
2. Jul.

§. L.

Albericus Legatus in Anglia.

Innocentius Papa Albericum Episcopum
 Ostiensem, cum Legati potestate, in
 Angliam & Scotiam miserat. Erat ve-
 ro Albericus de Gente Francorum, Bel-
 vaci natus, tum Monachus Cluniacensis
 & Prior ad S. Martinum *de pratis*, quem
 nuper Papa Cardinalem creaverat. Is
 ubi

10. 10. Conc.
p. 992.

ubi in Angliam pervenit, & mandata sibi Sæcul. XII.
 injuncta, ac Papæ epistolas, ad Reges A. C. 1138.
 Angliæ & Scotiæ, ad Turstainum Archi-
 episcopum Eboracensem (nam Sedes Mabill. ad
 Cantuariensis tunc vacabat) ad Episco- ep. 24. S.
Bern.
 pos & Abbates utriusque Regni, dire-
 ctas exhibuit, honorifice exceptus est.
 Socios itineris acceperat Abbatem Mo-
 lismensem & complures alios monachos
 transmarinos; quamprimum autem in
 Angliam appulit, Richardum Abbatem
 Fontanensem ex Diœcesi Eboracensi, Or-
 dinis Cisterciensis, magnæ auctoritatis
 virum, ad se accersiri jussit. His comi-
 tibus omnes prope Ecclesias Cathedrales
 & monasteria Angliæ lustravit. Ubi ve-
 ro pedem in Scotiam intulit, Carleoli
 obvium sibi habuit Regem Davidem,
 cum Episcopis, Abbatibus & Regni Pro-
 ceribus, quos ad Communionem Inno-
 centii Papæ reduxit; quippe factioni Pe-
 tri Leonis addicti fuerant. Triduo ibi
 moratus Albericus, cum comperisset, Jo-
 annem Episcopum Glascoviensem, clam
 relicta Ecclesia sua, nemine licentiam tri-
 buente, Tironii Monachum induisse, pe-
 tiit, ut Rex misso cum literis nuncio eum
 revocaret, & nisi rediret, lata sententia
 ad obediendum compelleretur. Quod
 etiam executioni datum est. Tum Le-
 gatus Regem Scotiæ urgebat, ut pacem
 iniret cum Rege Angliæ; quin etiam
 ejus

Sæcul. XII. A C. 1138. ejus pedibus advolvi non exhorruit; plus tamen quam sex hebdomadarum inducias, scilicet usque ad Festum S. Martini obtinere non potuit. Pictis deinde, incolis Scotiæ, qua Septentrionem spectat, populo barbaro, persuasit, ut intra illud ipsum temporis spatium omnes puellas mulieresque a se captas Carleolum reducerent, & libertati restituerent. Eosdem & alios Barbaros ad promittendum compulit, quod in bello Ecclesias nolent profanare, quod feminis & infantibus vellent parcere, ac etiam neminem, nisi armatum & repugnantem, occidere.

§. LI.

Concilium Londinense.

Albericus Legatus ex Scotia ad Festum S. Michaelis discedens, ad Curiam Stephani Regis Angliæ rediit, ubi Episcopis & Abbatibus totius Regni ad Concilium generale, in Festo S. Nicolai Londini celebrandum (quod tamen non ante decimam tertiam Decembris hujus anni millesimi centesimi trigesimali octavi inchoatum est) convocatis, præfuit; aderant vero Episcopi octodecim & Abbates circiter triginta. Turstainus Archiepiscopus Eboracensis ægrotans Guillelmum Ecclesiæ suæ Decanum, vicarium suum misit. Conditi vero sunt in hoc Concilio Canones septendecim, plerumque